

Ծոցիկս է ծոցիդ սովոր, այլ ընդ ո՞ր երթայ, մէկ ասա՛:

Լ Է .

Յայ՛ իմ սերկեւիլ մորճիկ, ի՞նչ ատեն էիր սիրելու,  
 Չար փուշն է ի քեզ պատած, որ չըկայ ճարակ մըտնելու:  
 Չար փուշ պատողին ճըկրուն՝ ես հագնիմ ճօշանը կըռու,  
 Գամ մըտնում ու վարդ քաղեմ, թող հոգեկս ի տեղըն ելնու:

Լ Ը .

Երէկ չէ այսօր տեսայ խընձորի տալիկ մի հուսայ.  
 Թ՛ապրիմ ի յարեւ մընամ, թեզ հանեմ շուտով ջուր ի նա,  
 Ջուր Յորդանանու բերեմ ու ջըրեմ որ անմահանայ,  
 Ի շուքըն հանգչիմ ես այլ ՚լ ի պըտողոյն վայելեմ նորա:

Լ Թ .

Գիտես որ դուն պարծեցար թե՛ ճերմակ ծո՛ցըս քեզ ծառայ.  
 Յետեւ փոշիման եղար, խըրատն ո՞վ երետ, մէկ ասա՛.  
 Ինձ խիփն ու դուսալ կուզայ՝ քո ծոցուդ այլ մարդ տիրանայ,  
 Պագնէ զիմ պագած տեղիքն ու դընէ գերեսն ի վերայ:

Խ .

Գիշերս ես ի դուրս ելայ, թէ զիմ եարն գըտնում սիրելու.  
 Գըրօղն ալ ի դէմս ելաւ, լուկ նազար արաւ տանելու.  
 Գըրօ՛ղ, անհաւա՛տ Գըրօղ, դեռ մանուկ եմ, չեմ տանելու.  
 Եկո՛ւ տանելուն ցուցնեմ, տանելու գըլլին զարնելո՛ւ,  
 Չարախն ալ ափին ունի, ո՛չ խըմէ ո՛չ տայ խըմելու:

Խ Ա .

Թուխ աջք եւ ունքեր ունիս, լայն ճակատ, ու կարմիր երես.  
 Այդ ճերմակչ որ դուն ունիս, ըզշամամ ծըծերդ որ ի ներս,  
 Մեռնիս այլ անդին երթաս, զայդ ճերմակ ծոցիկդ ի՞նչ առնես.  
 Չամէն որդերըն ուտեն, դու Է՞ր զիս, մահրում կու պահես:

Խ Բ .

Ի՞նչ անեմ կամ ի՞նչ լինիմ, կամ թէ ի՞նչ ունիմ կատարած,  
 Յայ՛ վա՛հ, իմ սիրած եարըն զէտ կատղած շուն ըզիս ի խած,  
 Կանգուն մի դանակ ունէր, անողորմ ի սըրտիս էած.  
 Ոչ ինքն Աստուծոյ վախեց, ոչ յիշեց օրիկ մ՛աղուհաց: